

Broj: 03-04-1406-13/23  
Sarajevo, 20.12.2023. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 21-12-2023			
Org. jed.	Broj	Priloga	Vrijednost
05/1	- 02 -	491	23

**PARLAMENT FEDERACIJE BOSNE I HERCEGOVINE  
Zastupnički dom**


n/p gosp. Ivanu Miličeviću, tajniku ✓  
n/p gosp. Sanelu Kajanu, zastupniku

Predmet: Odgovor na zastupničku inicijativu

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08 i 26/20), u pritvku Vam dostavljam akt gradonačelnice Grada Sarajevo, broj: 01/04-04-7901-1/23 od 12. prosinca 2023. godine, koji se odnosi na zastupničku inicijativu zastupnika Sanela Kajana.

S poštovanjem,



**TAJNIK VLADE**

dr. sci. Edita Kalajdžić

Privitak: kao u tekstu

12997



Grad Sarajevo  
City of Sarajevo

Broj: 01/04-04-7901-1/23  
Sarajevo, 12.12.2023. godine

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADONAČELNICA

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

**VLADA FEDERACIJE BOSNE I HERCEGOVINE**

N/r dr. sci. Edita Kalajdžić, sekretar  
Hamdije Čemerlića broj 2, Sarajevo

20.12.2023	
Klasifikaciona oznaka	Šifra
03-04-1406-13/2023	

**PREDMET:** Odgovor na zastupničku inicijativu  
Veza: Vaš akt 03-04-1406-13/23 od 01.12.2023. godine

*Poštovana,*

Dana 05.12.2023. godine Gradu Sarajevo dostavili ste Zastupničku inicijativu za pravilno isticanje zastave Bosne i Hercegovine ispred zgrade u ulici Hamdije Kreševljakovića broj 3 u Sarajevu, koju je na 7. redovnoj sjednici Zastupničkog doma Parlamenta Federacije Bosne i Hercegovine, održanoj dana 28.11.2023. godine, podnio Sanel Kajan, zastupnik u Zastupničkom domu Parlamenta Federacije Bosne i Hercegovine.

U obrazloženju inicijative se navodi da su godinama unazad državne zastave pred Parlamentom Federacije Bosne i Hercegovine istaknute naopako. U obrazloženju se dalje navodi da je, u nedostatku sistemskog rješenja, a što je odavno bio zadatak Parlamentarne skupštine Bosne i Hercegovine, potrebno samo uključiti logiku, te da se radi o minimalnoj korekciji kojom bi institucije za sva vremena regulisale pravilno isticanje zastave.

Prije svega, ističem da je Zakonom o zastavi Bosne i Hercegovine („Službeni glasnik BiH“, broj 19/01 i 23/04) propisan oblik i izgled zastave Bosne i Hercegovine, kao i njeno isticanje na nivou države Bosne i Hercegovine. Tako je članom 2. definisano da se Zastavom Bosne i Hercegovine predstavlja Bosna i Hercegovina i zastava se ističe kao simbol Bosne i Hercegovine.

Članom 3. istog Zakona definisan je oblik i izgled zastave, kako slijedi:

„Zastava Bosne i Hercegovine je plave boje. Desno od centra nalazi se trougao žute boje. Paralelno lijevoj strani trougla, od gornjeg ruba zastave do donjeg ruba, proteže se red bijelih petokrakih zvijezda. Zastava je pravougaonog oblika. Odnos između dužine i širine zastave je 1:2.“

Zastave na jarbolima ispred zgrade u kojoj su smještene institucije Parlamenta Federacije Bosne i Hercegovine i Grada Sarajeva su postavljene u vertikalnom položaju, koji Zakonom nije posebno tretiran, niti postoje pravilnici o upotrebi i načinu kačenja zastave. Slažem se sa uvaženim zastupnikom u dijelu u kojem se navodi da je potrebno pristupiti sistemskom rješavanju pitanja upotrebe zastave Bosne i Hercegovine donošenjem odgovarajućih akata i da je način kačenja zastave dugogodišnji problem. Međutim, u nedostatku akata kojima bi se regulisalo ovo pitanje, nema mjesta

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



primjeni logike posebno kada se uzme u obzir da Zakonom o zastavi Bosne i Hercegovine nije definisano da trougao žute boje predstavlja geografski oblik države Bosne i Hercegovine a što se koristi kao obrazloženje za okretanje trougla, već je jedino ispravno primjena pravila veksilologije, nauke o zastavama.

Na nemogućnost okretanja zastave ukazuje i član 3. Zakona o zastavi Bosne i Hercegovine kojim su precizno i nedvosmisleno utvrđeni oblik i dimenzije zastave, kao i omjer između njene dužine i širine. Naime, navedenim članom je propisano da je zastava pravougaonog oblika, te da je odnos između dužine i širine zastave 1:2. Dakle, Zakonom nije propisana situacija u kojoj bi omjer između dužine i širine zastave bude 2:1, a što bi bila situacija ukoliko bi se zastava okrenula na način koji je suprotan od načina na koji je zastava trenutno istaknuta ispred zgrade u ulici Hamdije Kreševljakovića broj 3.

Uzimajući u obzir činjenice da zastava Bosne i Hercegovine ima jedno lice, da nema heraldiku, da nema zakonska ili podzakonska pravila o upotrebi i načinu kačenja zastave, onda se ista kači prema pravilu veksilologije. Zastava se kači na lijevu stranu jarbola i pušta slobodan pad zastave. Iz normalnog horizontalnog položaja zastava se dovodi u vertikalni položaj rotacijom s lijeva na desno, u smjeru kretanja kazaljke na satu.

Uzimajući u obzir sve naprijed navedeno, proizilazi da je zastava Bosne i Hercegovine ispred zgrade u ulici Hamdije Kreševljakovića broj 3 postavljena ispravno i nema potrebe za njenim okretanjem.

*S poštovanjem,*

Dostaviti: -naslovu  
-a/a



**GRADONAČELNICA**

**Prof. dr. Benjamina Karić**